



REPUBLIKA E SHQIPËRISË
BASHKIA LUSHNJE
QENDRA E ARSIMIT

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

**OBJEKTI I PROCEDURËS: “Blerje materiale ndërtimi për mirëmbajtjen e
institucioneve arsimore”**

REF-96759-08-20-2026

KODI PËRKATËS NË FJALORIN E PËRBASHKËT TË PROKURIMIT (CPV):

44100000-1; 44110000-4; 44111200-3; 44810000-1; 44812220-3; 44812210-0; 44190000-8.

VLERA E FONDIT LIMIT:

**Fondi limit/vlera e pritshme e kontratës: 3 871 400 (tre milionë e tetëqind e shtatëdhjetë e
një mijë e katërqind) lekë pa TVSH.**

Përlllogaritja e fondit limit është bërë në bazë preventivit të hartuar nga grupi i punës së ngritur me urdhërin nr 17 datë 17.07.2026, duke përdorur metodën e testimit të tregut, dokumentuar me anë të 3 ofertave nga operatorë të ndryshëm ekonomikë dhe procesverbalit nr 457 prot të datës 11.08.2026 në zbatim të VKM-së nr. 285 datë 19.05.2021 “Për miratimin e rregullave të prokurimit publik” i ndryshuar, neni 56 dhe neni 76, pika 1/b.

Vënë në dispozicion nga: Të ardhurat e Bashkisë Lushnje (Vetëfinancim)

Në bazë të nenit 21 të Ligjit nr.162/2020 “Për prokurimin publik” i ndryshuar, nenit 2, pika 2/c dhe nenit 78, pika 2, të VKM nr.285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor, Qendra e Arsimit Lushnje, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. Formularin Përmbledhës të Vetëdeklarimit, sipas shtojcës 9

b. Sigurimin e Ofertës, sipas Shtojcës 4

Argumentimi: Kërkesat e mësipërme bazohen në nenin 76, nenin 82 dhe nenin 83 të ligjit Nr.162/2020 “Për Prokurimin Publik”, i ndryshuar si dhe në mbështetje të nenit 26 dhe nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik” i ndryshuar:

Neni 82, i LPP “1. *Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik*”.

Neni 83 i LPP “*Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël*”.

2. Kandidati/Ofertuesi duhet të dorëzojë dokumentacion që provon:

2.1 Kapacitetin profesional të operatorëve ekonomikë:

- Certifikatë - **ISO 9001 2015** për Sistemin e Menaxhimit të Cilësisë ose objekti i së cilës të jetë në përputhje me objektin e prokurimit, lëshuar nga institucionet zyrtare të akredituara për këtë qëllim ose ekuivalentin e saj.

Pranohet dhe paraqitja e standardeve shqiptare SSH mbi komformitetin e standardeve europiane dhe të lëshuara nga organizma të vlerësimit të konformitetit të akredituara në Republikën e Shqipërisë.

Argumentim: Kërkesat e cilësisë të përcaktuara janë vendosur në mbështetje të Ligjit Nr. 162/2020 “Për Prokurimin Publik”, Neni 79, pika 1 ku citohet se: “Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë”, si dhe në zbatim të Neni 44, pika 1 dhe pika 3 të VKM Nr. 285, datë 19.05.2021 “Për miratimin e rregullave të prokurimit publik” i ndryshuar, ku përcaktohet se: “Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit”.

ISO 9001:2015 është një seri normash dhe standartizimesh ndërkombëtare, që i referohen sistemeve të menaxhimit të cilësisë, pra, të strukturave të organizimit të ndërmarrjeve publike dhe private, struktura të cilat këto ndërmarrje duhet t'i adoptojnë për një orientim më të mirë të ndërmarrjes në standartet e tregut. AK gjykon se çdo Ofertues duhet të jetë i pajisur me ISO 9001:2015 (ose ekuivalente me të) me qëllim efektivitetin dhe efektshmërinë në zhvillimin e veprimtarisë së tij, e cila do të sjellë dhe zvogëlimin e kostove.

2.2. Kapacitetin ekonomik dhe financiar:

a. Kopje të deklaratave të xhiros vjetore të 3 (tre) viteve të fundit (vitet financiare 2023, 2024, 2025) lëshuar nga Administrata Tatimore, me vlerë jo më të vogël se 40% të vlerës së përlllogaritur të kontratës që prokurohet.

Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti kontraktor. Në rastin e bashkimit të operatorëve ekonomikë ky kriter duhet të përmbushet nga i gjithë bashkimi (secili anëtar), në përputhje me përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje.

Argumentim: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, të Ligjit Nr.162/2020 "Për Prokurimin Publik" i ndryshuar, në të cilin gjejmë te përcaktuar se: *"Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar.. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës.; pikën 1, pikën 2/c dhe pikën 3 të nenit 43 dhe pikën 3 të nenit 88, të VKM nr. 285, datë 19.05.2021 "Për miratimin e rregullave të prokurimit publik" i ndryshuar.*

Vendosja e këtij kriteri bëhet me qëllim që Autoriteti Kontraktor të sigurohet për aftësinë ekonomike dhe financiare të OE ofertues, duke vërtetuar nëpërmjet dokumenteve të kërkuara, se zotërojnë kapacitetet ekonomike dhe financiare për të përmbushur kontratën siç është parashikuar nga AK. Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Ligjin nr. 8438, datë 28.12.1998 "Për tatimin mbi të ardhurat", i ndryshuar,. Në përcaktimin e vlerës së xhiros autoriteti kontraktor është referuar në pikën 2/c të Nenit 43, të VKM nr.285, datë 19.05.2021 "Për miratimin e rregullave të prokurimit publik" i ndryshuar.

b. Për të vërtetuar një aktivitet pozitiv të qëndrueshëm operatori ekonomik duhet të paraqesë kopje të certifikuara të balanceve të 3 (tre) viteve të fundit financiare (2023, 2024,2025) të paraqitur në Autoritetet përkatëse Dega e Tatim Taksave dhe të konfirmuara nga ky Autoritet. Kjo kërkesë do të konsiderohet e përmbushur nëse në dy balance të njëpasnjëshme, nuk ka raport negative ndërmjet aktivitetit dhe pasivit. Në rastin e bashkimit të operatorëve ekonomikë ky kriter duhet të përmbushet nga i gjithë bashkimi (secili anëtar), në përputhje me

përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje.

Argumentimi: Kërkesa e mësipërme është përcaktuar bazuar në nenin 77, pika 3, të Ligjit Nr.162/2020 "Për Prokurimin Publik", i ndryshuar "*Gjithashtu Autoritetet ose Entet Kontraktore mund të kërkojnë që Operatorët ekonomik të japin informacione në Bilancet e tyre vjetore që të tregojnë raportet ndërmjet aktivitetit dhe pasivitetit*" si nenit 43, pika 4 si edhe nenit 88 pika 3, të VKM nr. 285, datë 19.05.2021 "Për miratimin e rregullave të prokurimit publik", i ndryshuar.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, në Ligjin nr.9920 date 19.05.2008 "Për Procedurat Tatimore në Republikën e Shqipërisë" i ndryshuar, dhe aktet nenligjore në zbatim të tij.

c. Vërtetimi për shlyerjen e taksave dhe tarifave vendore të parashikuara nga Pushteti Vendor për vitin e fundit **2026 (këstet e maturuara)** pranë njësive vendore ku operatori ekonomik ushtron apo ka ushtruar aktivitetin, sipas ekstraktit të QKB, në përputhje me legjislacionin në fuqi, në përputhje me ligjin 9632 datë 30.10.2006 "Për Sistemin e Taksave Vendore" kudo që operatori ekonomik ka ushtruar aktivitet sipas QKB. Në rastet e bashkimit të operatorëve ekonomikë, çdo anëtar i grupit duhet të dorëzojë vërtetimin lëshuar nga Autoriteti përkatës.

Argumentimi: Kërkesa e mësipërme është përcaktuar bazuar në nenin 76, pika 2 të Ligjit Nr.162/2020 "Për Prokurimin Publik", i ndryshuar, "*Një operator ekonomik skualifikohet nga pjesëmarrja në një procedurë prokurimi kur operatori ekonomik ka shkelur detyrimet e tij në lidhje me pagesën e taksave ose kontributeve të sigurimeve shoqërore, me përjashtim të rasteve kur....,si edhe përcaktimet e Ligjit nr.9632, datë 30.10.2006 "Për sistemin e taksave vendore"* i ndryshuar, lidhur me afatet e kryerjes së pagesave të caktuara nga njësitet e vetëqeverisjes vendore. Kjo kërkesë është vendosur në mënyrë që AK të ketë një informacion sa më koherent mbi shlyerjen e taksave vendore.

2.3 Aftësitë teknike dhe profesionale:

a. Operatori ekonomik duhet të paraqesë dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % të vlerës së përllogaritur të kontratës që prokurohet.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- për përvojën e mëparshme të realizuar me sektorin publik, operatori ekonomik duhet të paraqesë, vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi dhe të deklaruara në organet tatimore, ku shënohen datat, shumat dhe sasi të mallrave të furnizuara,

- për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar, nenit 40 pika 4 dhe nenit 55, pika 4/b, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që kontratat e mëparshme të ngjashme të jenë në vlerën jo më pak se 20 % të vlerës së përllogaritur të kontratës që po prokurohet, që është brenda vlerës kufi të përcaktuar në nenin e sipërcituar.

Me anë të këtij kriteri synohet që OE të provojë se ka kapacitetin e duhur teknik dhe profesional për të realizuar kontratën pasi ka realizuar më parë kontrata të ngjashme në sektorin publik apo privat.

b. Operatori ekonomik pjesëmarrës duhet të paraqesë një deklaratë me anë të së cilës deklaron se merr përsipër kryerjen e shërbimit të transportit të mallrave në adresën e Autoritetit Kontraktor, deri në përfundim të dorëzimit të sasisë totale të mallrave dhe se ka në dispozicion mjetet e duhura dhe fuqinë punëtore për të kryer këtë transport gjatë gjithë kohëzgjatjes së kontratës.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik” i ndryshuar, nenit 40, pika 5/c dhe 5/ ç, të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar, me qëllim që operatori ekonomik të vërtetojë se ka në dispozicion mjetet dhe stafin e duhur për të realizuar dorëzimin e mallrave objekt prokurimi pranë Autoritetit Kontraktor.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose paraqitja e dokumenteve false dhe të pasakta, konsiderohen kushte për skualifikim. Ofertuesi i kualifikuar i pari duhet të dorëzojë përpara publikimit të njoftimit të fituesit dhe brenda afatit të përcaktuar në kërkesën për dorëzim dokumentacioni pranë AK, dokumentet provuese për vetëdeklarimet në formularin përmbledhës të vetëdeklarimit të parashikuara në pikën 2 të nenit 26 të VKM-së 285 datë 19.05.2021 “Për miratimin e rregullave të prokurimit publik” i ndryshuar, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.

SPECIFIKIME TEKNIKE

Bazuar në preventivin e hartuar nga grupi i punës dhe specialisti i caktuar për këtë qëllim, lista e materialeve të kërkuara me përshkrimet përkatëse është si më poshtë vijon:

Nr	Artikulli	Njësia	Sasia
1	Vida druri 4x50	pako	5
2	Vida druri 4x30	pako	5
3	Vida druri 4x18	pako	5
4	Priçina Ø 4/20 mm	pako	1
5	Upa Ø 8	pako	5
6	Xhama	m2	120
7	Gurë trakoje prerës 250 (për metal)	copë	50
8	Elektroda Ø 2.5	pako	10
9	Profil hekuri 40x40x2	copë	30
10	Profil hekuri 80x60x4	copë	20
11	Hekur Ø12	ton	1
12	Mentesha të mëdha për dyer hekuri (d=30mm)	copë	30
13	Tel bari	kg	20
14	Vinovil (për ngjitje druri)	kg	1
15	Gozhdë të përmasave të ndryshme (5,7,10)	kg	80
16	Çimento	kv	350
17	Rërë e larë	m3	150
18	Kol	kg	6000
19	Fino	kg	6000
20	Hekur Ø10	ton	0.5
21	Blloqe betoni 40x20x20	copë	1500
22	Blloqe betoni 40x20x15	copë	1000
23	Fibër me ngjyrë (183x240) 0.4 mm	copë	5
24	Binarë të skuadruar 7x5	m3	0.5
25	Dërrasë për armaturë 10 x 2.5 x 400	m3	1
26	Granil	m3	100
27	Rërë lumi	m3	50
28	Gëlqere e pashuar	kg	5000
29	Gëlqere e shuar (brum)	kg	1000
30	Rrjetë teli për rrethim	copë	20
31	Shtylla betoni	copë	30

32	Profil hekuri 60x40 mm (x2.8 mm)	copë	15
33	Profil hekuri 50x430 mm (x2 mm)	copë	15
34	Profil hekuri 40x30 mm (x2 mm)	copë	6
35	Ele hekuri këndore 5x5x3mm ; 6 m	copë	10
36	Plegma 5m x 2m	copë	50
37	Llak transparent për dru	kg	3
38	Shula dere	copë	50
39	Shkumë dyersh për pistoletë me filetë 500ml	copë	50
40	Silikon ngjitës (transparent)	copë	70
41	Silikon mbushës	copë	70
42	Doreza dyersh alumini (çift)	copë	100
43	Doreza dyersh druri (çift)	copë	100
44	Pllaka për dyshtemenë	m2	200
45	Furça me fije plastike (të sarta)për fshirje trotuari 40mm	copë	5
46	Brava alumini të kompletuara me fishekë 3,5 cm	copë	100
47	Brava druri të kompletuara me fishekë	copë	80
48	Fishekë për brava druri	copë	200
49	Kyça dyersh	copë	100
50	Bilbila për dritare duralumini	copë	50
51	Krahë metalikë për dritare duralumini	çift	30
52	Fishekë për brava alumini të sheshta	copë	35
53	Mentesha dyersh druri (çibuk)	copë	30
54	Mentesha dyersh druri (pllakë) 8 cm	copë	100
55	Mentesha dyersh alumini	copë	100
56	Doreza dyersh alumini me fole	copë	30
57	Vida vetshpuese filetuese 25 mm	pako	5
58	Kanellë për hidroizolim	copë	1
59	Rregullator presioni gazi	copë	1
60	Zorrë gazi	ml	30
61	Gone alumini për dritare me rrëshkitje	copë	20
62	Gone alumini kase	copë	20
63	Gozhdë 3 cm me kokë	kg	2
64	Gur prerës trakoje 11.5 cm për hekur	copë	20
65	Gur prerës trakoje 11.5 cm për beton	copë	10
66	Çizme llastiku nr. 42 – 43	palë	5
67	Rroba pune pantallona/xhaketë XL	palë	10
68	Nivel dore 10 cm	copë	5
69	Matrapik shpim / goditje 1500 w	copë	1
70	Goma për karrocë dore	copë	10

71	Sharrë druri/dore	copë	3
72	Kokore plastike për sigurinë në punë	copë	10
73	Karroçë dore	copë	5
74	Bel i pajisur me bisht druri	copë	5
75	Çekiç i pajisur me bisht druri	copë	5
76	Lopatë e pajisur me bisht druri	copë	10
77	Sqepar i pajisur me bisht druri	copë	10
78	Mistri për llaç	copë	20
79	Përdaf plastik për fino	copë	20
80	Mallto të mëdha plastike për llaç	copë	15
81	Mallto metalike të gjata	copë	5
82	Furça gëlqereje me bisht të shkurtër	copë	10
83	Furça me kënd për lyerjen e prajmerit	copë	5
84	Spango për ndërtim	copë	10
85	Metër i zakonshëm (5m)	copë	10
86	Dorashka pune nr 10	copë	300
87	Ngjitës letre (rulo) 3 cm	copë	50
88	Leva hekuri për çmontim armature	copë	5
89	Këpucë pune kundra gozhdëve nr 41 / 42	copë	30
90	Bishta druri për lopatë	copë	10
91	Pajisje për prerje xhami	copë	4
92	Jelekë pune fosforeshent	copë	30
93	Upa Ø 6	copë	5
94	Set me çelësa kriket	copë	1
95	Set me çelësa hekzagonal	copë	1
96	Pincë amperometrike	copë	1
97	Aparat matës tensioni	copë	2
98	Set kaçavide elektrike	copë	1
99	Pinca universale elektrike	copë	1
100	Tronkëse për çelësat	copë	2
101	Pincë shtrënguese e thjeshtë	copë	2
102	Indikator të thjeshtë	copë	3
103	Indikator elektronik	copë	1
104	Brava alumini horizontale të kompletuara me fishekë	copë	20
105	Brava alumini të kompletuara me fishekë 30mm	copë	50
106	Brava druri me fole	copë	50
107	Gone marangozi 40 mm	copë	2
108	Set punto hekuri	copë	1
109	Kartoserë 4,5 kg/m ² e granular	kg/m ²	2000

110	Prajmer	kg	300
111	Gaz per izolim	kg	300
112	Rrjetë teli (jeshile) me diametër 2,5mm	m2	400
113	Tel jeshil me veshje plastike-diametër 2,5 mm	kg	50
114	Troko me disk të madh prerës 2200W	copë	1

- Të gjithë produktet/mallrat e sipërshënuar duhet të jenë të rinj (papërdorur më parë) dhe të një cilësie të lartë.
- Shumica e produkteve / mallrave përmbajnë në emërtim specifikat kryesore të tyre.
- Çdo produkt që për nga natyra tregtohet i ambalazhuar (në qese, pako, thasë etj) duhet të të dorëzohet me ambalazh të paprekur në vendin e dorëzimit të produktit (magazina e Autoritetit Kontraktor) dhe ambalazhi duhet të përmbajë emërtimin e produktit, markën, kushtet e ruajtjes dhe datën e skadencës (nëse ka).
- Autoriteti Kontraktor rezervon të drejtën e kthimit të produktit që nuk plotëson kërkesat e mësipërme duke kërkuar zëvendësim me produktin që i plotëson ato.
- Specifikimet teknike të këtyre mallrave, kanë të përcaktuara në emërtim karakteristikat kryesore e të përgjithshme të produktit. Kërkesat cilësore janë hartuar përgjithësisht në terma funksionalë, të standartizuar dhe të thjeshtë.
- Specifikimet teknike nuk kanë asnjë kërkesë apo referencë të ndonjë markë apo emri të veçantë, prodhues ose sipërmarrës. (përveç rasteve kur nuk ka ekzistuar një mënyrë e mjaftueshme, e saktë apo e kuptueshme, e përshkrimit të kërkesave, dhe nga Autoriteti Kontraktor do të citohet fjala “ose ekuivalent” e përfshirë detyrimisht në specifikime në përputhje me parashikimet e nenit 36 të ligjit nr. 162/2020, datë 23.12.2020 "Për Prokurimin Publik" i ndryshuar, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”i ndryshuar).

Specifikimet teknike janë hartuar me qëllim që të mundësojnë trajtim të barabartë për të gjithë Operatorët Ekonomikë të interesuar.